

# Fundargerð



MÝVATN

## Sveitarstjórn Skútustaðahrepps

### 29. fundur.

að Hlíðavegi 6, 29.12. 2003, kl. 13:30.

#### DAGSKRÁ:

- |    |   |
|----|---|
| 1. | Fundarsetning.  |
| 2. | Gjaldskrá Hitaveitu Reykjahlíðar, síðari umræða.  |
| 3. | Ábúð að Bjargi. Erindi Jóns Illugasonar dags. 17. 12. 2003. Erindi Sigfúsar Illugasonar dags. 22.12. 2003 |
| 4. | Erindi Grétars Ásgeirssonar, umsókn um leyfi til að halda áramótabrennu.                                  |

Mættir: Guðrún María Valgeirsdóttir, Jón Óskar Ferdinandsson, Kristján Stefánsson, Ingigerður Arnljótsdóttir, Böðvar Pétusson. Birkir Fanndal boðaði forföll.

#### 1. Fundarsetning.

Oddviti setti fund og lagði til að 4. mál yrði tekið á dagskrá. Samþykkt samhljóða.

#### 2. Gjaldskrá Hitaveitu Reykjahlíðar, síðari umræða.

Eftirfarandi gjaldskrá var samþykkt við fyrri umræðu 18. des. s.l.

#### *Gjaldskrá Hitaveitu Reykjahlíðar*

##### 1. gr.

*Hitaveita Reykjahlíðar selur hitaorku frá aðveituað og dreifikerfi veitunnar samkvæmt ákvæðum gjaldskrár þessarar.*

##### 2. gr.

*Hitaveita Reykjahlíðar lætur hverju húsi, sem er í sambandi við vatnsæðar hennar, í té vatnsmagn er ætla má að nægi til hitunar á húsinu, enda séu ofnar hússins nægilega stórir að dómi eftirlitsmanns hitaveitu.*

Hitaveitunni er heimilt að takmarka með hemli vatnsrennsli að húsi eftir því sem þörf krefur og er starfsmönnum hitaveitunnar einum heimilt að breyta stillingu hans.

### 3. gr.

Fyrir afnot heita vatnsins skal greiða skv. vatnsmæli fyrir hvern rúmmetra vatns miðað við vatnshita í tengibrunni þar sem stofnæð og heimtaug/dreifikerfi mætast, sem hér segir:

- |    |   |           |
|----|---|-----------|
| a) | Fyrir vatn 80° C og heitara greiðast..... | kr. 62,93 |
| b) | Fyrir vatn 70°- 79° C greiðast.....       | kr.50,35  |
| c) | Fyrir vatn 69°C og kaldara greiðast.....  | kr.37,76  |

Hitaveitunni er heimilt að færa notendur milli gjaldflokka þar sem einstakar heimtaugar eru það langar að ætla má að um verulega kólnun sé að ræða í þeim.

Þar til vatnsmælir hefur verið settur upp og ef vatnsmælir bilar áætla hitaveitan vatnsnotkunina með hlíðsjón af hitaþörf hússins. Hitaveitan lætur húseigendum í té aukamæla ef þess er óskað.

### 4. gr.

Fyrir hverja húsveitu (1. mæli) er greitt fast mánaðargjald sem fer eftir stærð mælis sem hér segir:

- |    |                               |             |
|----|-------------------------------|-------------|
| a) | Fyrir mæli allt að ¾” .....   | kr. 550,-   |
| b) | Fyrir mæli 1” – 2 “ .....     | kr. 1.100,- |
| c) | Fyrir mæli 3” og stærri ..... | kr. 2.200,- |

### 5. gr.

Hitaveitugjöld skv. 3. og 4. grein verða krafín mánaðarlega, þegar eftir mælaálestur. Þó er heimilt að láta líða lengri tíma en einn mánuð milli álestra og fækka gjalddögum. Óski notandi þess að lesið sé af mæli hans utan reglubundins álestratíma hitaveitunnar og honum gerður sérstakur reikningur, skal hann greiða fyrir það gjald kr. 500,-

Gjalddagi hitaveitugjala er við útsendingu reiknings eða tilkynningar um reikningsupphæð. Ber gjaldanda að greiða reikninginn í bönkum, sparisjóðum og öðrum greiðslustöðum þar sem hitaveitan ákveður. Það eru vanskil ef gjöld fyrir orkunotkun eru ekki greidd innan 30 daga frá útsendingardegi reiknings.

### 6. gr.

Heimæðagjald Hitaveitu Reykjahlíðar skal vera sem hér segir fyrir eina heimæð:

Hús 400 – 2000 m <sup>3</sup> :		
Fyrir 400 m <sup>3</sup> .....	kr.	101.381,-
og fyrir hvern rúmmetra umfram 400 m <sup>3</sup> .....	kr.	87,59
Hús stærri en 2000 m <sup>3</sup> .....	kr.	241.911,-
og fyrir hvern rúmmetra umfram 2000 m <sup>3</sup> .....	kr.	70,14
öll gjöld í þessari grein miðast við utánmál húsa.		
Stofngjald fyrir hvern mæli umfram einn á sama inntaki er .....	kr.	13.463,-

Lóðarhafar greiða auk heimtaugargjalds kostnað við lagningu heimæðar frá stofnæð hitaveitu að húsvegg fyrir lengd lagnar umfram 50 metra.

Hitaveita Reykjahlíðar hefur rétt til að loka aðrennsli heita vatnsins að húsi eða íbúð notanda sem vanrækir að greiða hitaveitugjöld. Fyrirætlun um lokun ber að tilkynna með 7 daga fyrirvara.

Allan kostnað við lokun aðrennslis og opnun á ný greiðir sá sem í vanskilum er auk .....

	kr.	1.004,-
--	-----	---------

í hvert skipti.

**7. gr.**

*Nú eru leyfð afnot hitaveitunnar til annars en húshitunar svo sem heyburrkunar eða ræktunar og er þá hitaveitunni heimilt að ákveða gjald fyrir þau afnot sérstaklega í hverju tilviki með hliðsjón af gjaldskrá þessari.*

**8. gr.**

*Á öll gjöld samkvæmt gjaldskrá þessari leggjast skattar samkvæmt gildandi reglum á hverjum tíma.*

**9. gr.**

*Öll gjöld samkvæmt gjaldskrá þessari má taka lögtak á kostnað gjaldanda.*

**10. gr.**

*Gjaldskrá þessi, sem sett er samkvæmt orkulögum nr. 58, 29. apríl 1967, staðfestist hér með til að öðlast þegar gildi og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis frá 8. janúar 1991.*

Samþykkt samhljóða.

**3. Ábúð að Bjargi. Erindi Jóns Illugasonar dags. 17. 12. 2003. Erindi Sigfúsar Illugasonar dags. 22.12. 2003.**

Þar sem þinglýstir eigendur Bjargs virðast ekki sáttir um fyrirkomulag ábúðar á Bjargi treystir sveitarstjórn Skútustaðahrepps sér ekki til að taka afstöðu til erindanna.

Sveitarstjórn mun senda Hagþjónustu landbúnaðarins bréf þar sem óskað verður eftir að Bjarg verði ekki skráð í eyði um komandi áramót.

**4. Erindi Grétars Ásgeirssonar, umsókn um leyfi til að halda áramótabrennu.**

Sveitarstjórn Skútustaðahrepps samþykkir erindið fyrir sitt leyti.

Fleira ekki gert.

Fundi slitið.

Guðrún María Valgeirsdóttir,

Jón Óskar Ferdinandsson,

Kristján Stefánsson,

Ingigerður Arnljótsdóttir,

Böðvar Pétusson.